

Kontakto Antiyanano
Januari 1973

donan di nan islanan den laman ka-
 ribe, pa asina hoga e nostalgia ku tin
 byaha tin nan dos blòk.

Tambe tin otro ku no ta adaptá asina
 fasil, ainda nan ta sinta kompará:
 "aya t'asina, aki ta otro".

Na Amsterdam promé lugá ku m'a
 yega tabata na "Kontakto Antiyanano"
 aya mi por a topa ku un grupo chi-
 kito pero aktivo ku tabata traha
 duru pa bin kla ku nan "Kontakto".

Aya mi ta suponé ta un dje poko
 luganan kaminda bo ta bin na altura
 di tur loke ta pasa na nos islanan.
 Korantnan i revistanan ta yega regu-
 larmente i na disposishon di esnan
 ku ta frekwentá e sentro.

Dokumentashon di varyos obra tambe
 ta disponibel loke ta skars hasta na
 nos islanan. Sin duda si bo kye pone
 bo na altura di loke ta pasando aki
 banda por haya sufisyente materyal
 aya.

Un sentro ku m'a bishitá i na unda
 m'a tene un disertashon bow di
 owspisyo di "Caribiton" tabata
 "Fundashon Nanzi". Un sityo agra-
 dabel i akohedor unda tin diberti-
 shon sano pa su myembronan. Mi
 tabata masha satisfecho, ku Caribiton
 a dunami e oportunidat pa tene un
 disertashon tokante papyamentu den
 safa di "Nanzi", úniko ku m'a tene,
 pasobra mi tabatin ku diskulpami pa
 varyos grupo ku a aserkami pa motibu
 ku tabata difisil pa interrumpi mi
 vakashon pa byaha varyos lugá i tene
 "lezing".

Sinembargo si kwalkye apelashon
 hasi na mi pa tene esey den futuro
 (no durante mi vakashon) gustosa-
 mente lo mi kye hasi esey.

Nos a topa hopi konosí byew i haya
 un sin número di amigonan nobo.

Si byaha pasá mi tabata biba na
 Hilversum, e byaha aki mi tabata
 un limburges di Gulpen. Un rinton
 bendishoná ku e paysahenan di mas

bunita ku m'a yega di mira na Ulan-
 da i den bisindaryo di syudat impor-
 tante manera Maastricht (Ulanda),
 Aken (Alemania) i Liège (Bélgika).

Awor mi ta na Aruba atrobe ku
 deseo pa haya e oportunidat talbes
 pa kwalkye tempu rekoré Ulanda
 hibando e mensahe tropikal di nos
 islanan papyando di nos músika,
 poesia, literatura i arte popular di
 nos pweblonan den e sentronan ku
 mi no a logra haya oportunidat pa
 bishitá, ban spera!

Aruba

Hubert Booi

FO'I FRUTA DI MI AMARGURA.

Fo'i fruta di mi amargura

lo mi modelá mi mes di nobo,

lanta para, tyesu i kurtí

riba mi propyo pedestal.

Pasobra boka ketu ya m'a laba

sla ku marka di ultrahe

fria nan ku e freskura di mi mes rosea.

I lo mi montoná

e pyedanan di eksperensha

tur rondó di mi estatwa,

forma forti kontra mundu di fantochi,

pa mi sinta sonreí

sin skupi riba nada ni ningun.

Pierre A. Lauffer